



**TRAFNIDIAETH
CYMRU
TRANSPORT
FOR WALES**

Llawr 5, Tŷ South Gate,
Stryd Wood,
Caerdydd CF10 1EW
029 2167 3434
james.price@trc.cymru
trc.llyw.cymru

5th Floor, South Gate House
Wood Street
Cardiff CF10 1EW
029 2167 3434
james.price@tfw.wales
tfw.gov.wales

Russell George AC
Cadeirydd
Pwyllgor yr Economi, Seilwaith a Sgiliau
Cynulliad Cenedlaethol Cymru
Tŷ Hywel
Caerdydd
CF99 1NA

27 Chwefror 2020

Annwyl Russell

Diolch am roi cyfle i mi ddarparu rhagor o dystiolaeth yng nghyswllt fy ymddangosiad i a Scott yn y Pwyllgor ar 29 Ionawr 2020.

Yn ystod y Pwyllgor, cyfeiriais at £1m o ad-daliadau am oedi fesul chwarter (paragraffau 87-90). Yn anffodus, hoffwn gywiro fy ymateb gwreiddiol ac egluro bod y ffigur o £1 miliwn y chwarter a ddyfynnais yn cynnwys yr holl iawndal drwy ad-daliadau a'r ad-daliadau refeniw i deithwyr. Mae ad-daliadau refeniw i deithwyr yn cwmpasu'r holl resymau dros ad-daliadau, boed hynny oherwydd materion gweithredol neu beidio. Er enghraifft, canslo tocynnau tymor, teithwyr yn newid eu cynlluniau teithio, trenau wedi'u canslo. Felly, hoffwn gywiro'r datganiad hwn – y ffigur diweddaraf cywir ar gyfer ad-daliadau am oedi yw £290,000 – rhwng 13 Hydref a 4 Ionawr.

Ym mharagraffau 267 – 269, ymrwymais i ysgrifennu at y Pwyllgor ynghylch pryd y byddwn yn cynnal ein harolwg nesaf o'r holl staff. Rydyn ni'n rhagweld y byddwn yn cynnal ein harolwg staff nesaf yn ystod y gwanwyn ond nid ydym wedi nodi dyddiad eto. Byddwn yn rhannu ein canfyddiadau â'r pwyllgor.

Ym mharagraffau 327-328, ymrwymodd Scott i ysgrifennu rhagor am gynrychiolydd y Gymraeg ar ein Bwrdd. Gallaf gadarnhau bod ein Cyfarwyddwr Anweithredol, Alun Bowen – ein Cyfarwyddwr ar gyfer Gogledd Cymru sy'n siarad Cymraeg – wedi arwain yng nghyswllt ein polisïau am y Gymraeg.




Cwmni Cyfyngedig drwy Warant. Cofrestrwyd yng Nghymru. Rhif Cwmni 09476013. Cyfeiriad Swyddfa Gofrestredig: Llawr 5, Tŷ South Gate, Stryd Wood, Caerdydd, CF10 3EW
A Company Limited by Guarantee. Registered in Wales. Company No. 09476013. Registered Office Address: 5th Floor, South Gate House Wood St, Cardiff, CF10 3EW

Rydym hefyd wedi sefydlu ein Panel Pensaernïaeth Ymgynghorol yn ddiweddar. Cafodd y Panel ei sefydlu ar ôl ymarfer mapio rhanddeiliaid ac ar ôl datblygu rhaglen waith fel rhan o'r rhaglen Pensaernïaeth Ymgynghorol ehangach. Mae hyn yn dilyn argymhellion a wnaed gan bwyllgor yr Economi, Seilwaith a Sgiliau yn ei adroddiad ar Ddatblygu Trafnidiaeth Cymru yn y Dyfodol, a gyhoeddwyd ym mis Mai 2019. Mae sefydliadau ac unigolion wedi cael eu pennu, gan gynnwys cynrychiolwyr ar ran cwsmeriaid, diwydiant a phobl â nodweddion gwarchoddedig, yn ogystal â chynrychiolydd o Swyddfa Comisiynydd y Gymraeg. Byddwn hefyd yn gwahodd gwesteion sy'n cynrychioli pynciau a themâu amrywiol cysylltiedig â'n cynllun, a bydd y cyfarfodydd hyn yn cael eu cynnal mewn gwahanol leoliadau ledled Cymru a'r Gororau.

Bydd y Panel yn cael ei gyfarfod cyntaf ar 17 Mawrth 2020, gyda'r bwriad o gwrdd bob chwarter o'r flwyddyn ariannol newydd ymlaen. Bydd y Panel yn cael ei lywio gan ei Aelodau a'i Gadeirydd a bydd yn edrych ar y syniadau a'r datblygiadau arfaethedig sydd gan TrC ar hyn o bryd ac yn y dyfodol, gan ddarparu mewnbyn uniongyrchol i sicrhau bod TrC yn gwrando ar ein cwsmeriaid a'n rhanddeiliaid ac yn glynu wrth yr egwyddorion arweiniol a nodir yn Neddf Cenedlaethau'r Dyfodol.

Yn gywir,



James Price
Prif Weithredwr / Chief Executive